

**Forum Syd Balkans Programme, Travnik
-Central Bosnia Project-**Informacije o omladinskom klubu Travnik:**a) O FORUM SYD-u,**

Forum Syd Balkans (bivši PRONI - Institut za socijanu edukaciju) je nevladina, neprofitna organizacija koja od 06. novembra 1998., kada je osnovana, svoju pažnju posvećuje mladima, uvažavajući različitosti etničkog porijekla, vjere, kulture, spola, rase, itd.

Od 1. juna 2005, Proni Institut je pod patronatom najveće Švedske nevladine organizacije FORUM SYD, pa je shodno tome promijenjen prvobitni naziv organizacije u Forum Syd Balkans.

Forum Syd Centralna Bosna ima šest OMLADINSKIH KLUBOVA u nekoliko opština SrednjoBosanskog te Zeničko-Dobojskog kantona. U općini Travnik postoje dva omladinska kluba od toga jedan pokriva područje grada Travnika a drugi područje Turbeta.

U klubovima se nudi:

- Mogućnost razvijanja kreativnosti mladih različitih uzrasta
- Prostor koji može biti iskorišten za razne aktivnosti sastanke, slobodno vrijeme...
- Otvoreno mjesto za upoznavanje novih ljudi
- Podršku za razvijanje i realizaciju ideja
- Radionice, treninge na različite teme
- Univerzitetske kurseve i slično

Bitno je naglasiti da u klubovima rade uposleni sa završenim univerzitetskim kursom „YOUTH LEADERSHIP AND DEVELOPMENTAL YOUTH WORK“.

U Omladinskom klubu Travnik kontinuirano se odvijaju aktivnosti, kao što su kreativne radionice, kursevi, volonterski rad i sve ono za što su svi mladi ljudi zainteresovani.

2. Detalji o aktivnostima u omladinskom klubu Travnik:

Forum Syd Balkans Project klubovi uključuju i inspirišu omladinsku kreativnost. Forum Syd omladinski klub nudi konstruktivne programske aktivnosti koji su zasnovani na socijalnoj edukaciji i vode ih obučeni kadrovi. Našim omladinskim klubom upravljaju omladinski radnici koji su prošli specijalizovanu obuku kroz kurseve Forum Syd Balkans Project. Omladinski klubovi imaju konstantnu podršku i nadgledani su od strane Project ureda. Kludovi su otvoreni za sve mlade i zahtjevaju jedino da članovi potpišu kodeks. Omladinski klub u Travniku okuplja veliki broj mladih ljudi različitih socijalnih slojeva, različitih nacionalnih te religijskih opredjeljenja, različite starosne dobi a njihov broj prelazi brojku od petstotina i iz dana u dan njihov broj se povećava. U 2006 godini u našem klubu sproveden je veliki broj radionica te treninga na različite teme u kojima su učestvovali mladi sa opštine Travnik pa čak i sa drugih opština. U našem klubu stvoren je veliki broj volontera, mladih aktivista koji su učestvovali u realizaciji projekata koje je pokrenuo Forum Syd „Omladinski klub u Travniku“ te neke druge neprofitabilne i profitabilne organizacije a sve u svrhu unapređenja i kulturnog obogaćenja grada Travnika te bolje socijalizacije mladih ljudi. Ne mali broj naših članova je osmislio i realizovao svoje vlastite projekte koji su bili predstavljeni u našem gradu a koji su bili pozitivno ocjenjeni od strane zajednice. Bitno naglasiti je da sve naše aktivnosti koje sprovodimo za naše sugrađane su besplatne a dostupne su svim zainteresovanim.

U nastavku ćete vidjeti sve aktivnosti koje su sprovedene tokom 2006 godine u našem klubu.

Radionica br. 1

| Naziv radionice | Tema radionice | Cilj i pod cilj radionice |
|-----------------|----------------------------|---|
| Eko Grafiti | Slikanje grafita na platnu | <ul style="list-style-type: none"> -socijalizacija i edukacija mladih -sklanjanje mladih sa ulice -povećanje ekološke svijesti mladih ljudi - smanjenja konflikata mladih i policije -razvoj kreativnosti mladih -uključenje mladih u razvoj umjetnosti u zajednici i u društvu kroz ovaj vid aktivnosti. -promocija omladinskog aktivizma i volonterizma -smanjenje štete javnog dobra |

Objašnjenje ideje:

Grafiti kao "oblik neinstitucionalnog likovnega izraza" najčešće su prihvaćeni od strane mladih koji se nalaze na margini društvenog života širom svijeta pa tako i u našem društvu a što je naročito izraženo u post ratnom periodu, često se predstavljaju kao izraz vandalizma ali i kao jedna vrsta likovne umjetnosti. Misija Forum Syd-a je socijalizacija mladih ljudi i njihova bolja integracija u zajednici pa otuda i potreba za jednom ovakvom idejom koju smo sprovedeli u ovoj godini. Ovim putem smo željeli postići da grafiti urađeni na platnu budu mobilni te da budu izloženi na izložbama a na taj način bi se mladima omogućilo i eventualno prodavanje njihovih radova a tako i obezbjedila neka vrsta zarade a sve to bi dovelo do ostvarenja gore navedenih ciljeva.

Radionica br. 2

| Naziv radionice | Tema radionice | Cilj i pod cilj radionice |
|-----------------|----------------|---|
| Break Dance | Ulični ples | <ul style="list-style-type: none"> -socijalizacija mladih -promocija omladinskog aktivizma i volonterizma -sklanjanje mladih sa ulice -razvoj kreativnosti mladih -ohrabrivanje mladih ljudi |

Objašnjenje ideje:

Ova radionica okupila je sličnu grupu mladih ljudi kao što je već gore navedeno tj. Većina članova ove radionice su mladi koji najveći dio dana provode na ulici. Jedna trećina članova ove grupe čak nema završenu niti osnovnu školu. Ovim načinom smo u početku željeli da ih sklonimo sa ulice i da ih nekom njima interesantnom temom zainteresujemo i motivišemo za neki konkretan rad. Nakon nekoliko mjeseci aktivno provedenih u našem klubu ova grupa je počela aktivno učestvovati na neformalnim takmičenjima u break dance-u a čak je i Federalna televizija pravila prilog o ovoj grupi koja je kasnije bila emitovana u omladinskoj emisiji „Zijon“, što je ovoj grupi i njihovom roditeljima bilo veliko zadovoljstvo. Kasnije članovi ove grupe bili su toliko motivisani da su čak pisali i vlastiti projektni prijedlog koji je kasnije bio i odobren. Dobijena novčana sredstva iskoristili su za organizovanje break dance takmičenja u Travniku koji je okupio veliki broj grupa iz cijele Bosne i Hercegovine.

Radionica br.3

| Naziv radionice | Tema radionice | Cilj i pod cilj radionice |
|-----------------|----------------|--|
| Ja novinar | Novinarstvo | -socijalizacija mladih -promocija omladinskog aktivizma i volonterizma -sklanjanje mladih sa ulice -razvoj kreativnosti mladih -učenje o osnovama novinarskog poziva |

Objašnjenje ideje:

Nakon kratkog istraživanja obavljenog među mladim ljudima javila se potreba za ovom radionicom pošto veliki broj mladih ljudi ima interesovanje za ovom temom. Većina mladih koji su prisustvovali ovoj radionici bili su učenici četvrtih razreda srednjih škola i veliki broj ih je namjeravalo upisati Fakultet Političkih Nauka u Sarajevu odsjek Žurnalistika. Naglasio bih da su nakon ove radionice neki od članova dobili poziv da rade na lokalnoj radio stanici.

Radionica br.4

| Naziv radionice | Tema radionice | Cilj i pod cilj radionice |
|-----------------|----------------|--|
| Art radionica | Slikarstvo | -socijalizacija mladih -sklanjanje mladih sa ulice -razvoj kreativnosti mladih -promocija omladinskog aktivizma i volonterizma -širenje volonterizma |

Objašnjenje ideje:

Ova radionica je rezultat našeg rada i širenja volonterizma u zajednici. Sama ideja za ovu radionicu došla od našeg člana (volontera) koji je htio da svoje znanje prenese i na druge mlade ljude zainteresovane za slikarstvo a ujedno i da doprinese razvoju umjetnosti u našem gradu.

Radionica br.5

| Naziv radionice | Tema radionice | Cilj i pod cilj radionice |
|-----------------------|-----------------------|--|
| Kurs Njemačkog jezika | Kurs Njemačkog jezika | -socijalizacija mladih -promocija omladinskog aktivizma i volonterizma -sklanjanje mladih sa ulice -razvoj kreativnosti mladih -širenje volonterizma |

Objašnjenje ideje:

I ova radionica je ideja jednog od naših volontera aktivnog u našem klubu i koji je prošao kroz neke od naših radionica. Kao što i sami znate cilj organizacije je širenje volonterizma pa tako i ova radionica je dobar pokazatelj našeg angažovanja u zajednici.

Radionica br.5

| Naziv radionice | Tema radionice | Cilj i pod cilj radionice |
|-----------------------|-----------------------|---|
| Kurs Engleskog jezika | Kurs Engleskog jezika | -socijalizacija mladih -sklanjanje mladih sa ulice -edukacija -upoznavanje drugih kultura -promocija omladinskog aktivizma i volonterizma |

Objašnjenje ideje:

Ova radionica je rezultat naše dobre saradnje sa ostalim nevladinim organizacijama koje su prisutne u našoj opštini kao i našeg uspješnog rada sa mladim ljudima. Organizacija pod nazivom Professional International nam se obratila sa molbom da u suradnji sa našom organizacijom realizuje aktivni jednomjesečni kurs Engleskog

jezika na kojem bi predavali studenti sa Kanadskog Univerziteta u saradnji sa omladinskim radnicima naše organizacije. Naravno kao i sve naše aktivnosti i ovaj kurs je bio besplan. Preko stotinu građana Travnika podjeljenih u grupe pohađalo je ovaj kurs a velikom broju učesnika kursa stečeno znanje bilo je neophodno za njihove profesionalne poslove.

Radionica br.6

| Naziv radionice | Tema radionice | Cilj i pod cilj radionice |
|-------------------------|-------------------------|---|
| Kurs Talijanskog jezika | Kurs Talijanskog jezika | -socijalizacija mladih -sklanjanje mladih sa ulice -edukacija -upoznavanje drugih kultura -promocija omladinskog aktivizma i volonterizma |

Objašnjenje ideje:

I ovaj kurs je rezultat našeg promovisanja volonterizma među mladim. Ovu radionicu vodila je djevojka iz Italije koja je bila nastanjena jedno vrijeme u našem gradu. Prisustvovala je našim radionicama i sama je izrazila želju za pokretanje ovog kursa. Pošto smo predhodnih godina već organizovali kurs Talijanskog jezika znali smo da će biti veliki broj zainteresovanih što je se i pokazalo nakon plakatiranja u gradu. Na ovom kursu učešće je uzelo preko 50 polaznika.

Radionica br.7

| Naziv radionice | Tema radionice | Cilj i pod cilj radionice |
|------------------------|-----------------------|---|
| Muzička radionica | Gitara | -socijalizacija mladih -sklanjanje mladih sa ulice -edukacija -promocija omladinskog aktivizma i volonterizma -razvoj kreativnosti mladih |

Objašnjenje ideje:

Veliki broj mladih ljudi pokazuje želju da nauči svirati neke od instrumenata pa otuda i ideja za ovom radionicom. Petnaest mladih ljudi aktivno učestvuje na radionici gitare i u kratkom vremenu su naučili osnove o ovom instrumentu i već su počeli kreirati vlastite pjesme.

Radionica br.8

| Naziv radionice | Tema radionice | Cilj i pod cilj radionice |
|------------------------|---|---|
| Istraživači | Istraživanje istoriskog nasljeđa grada Travnika | -socijalizacija mladih -sklanjanje mladih sa ulice -edukacija -promocija omladinskog aktivizma i volonterizma -razvoj kreativnosti mladih |

Objašnjenje ideje:

Ova radionica je realizovana sa ciljem upoznavanja mladih sa bogatim kulturnim nasljeđem grada Travnika. Na ovaj način smo htjeli promovisati svu ljepotu koju posjeduje grad Travnik među mladima, a ujedno da i sami više cijene grad u kojem žive. I ova grupa je svojim radom i originalnošću ideje privukla pozornost nekih medijskih kuća u ovom slučaju Federalne Televizije tako da je Travnik zahvaljujući ovoj grupi mladih ljudi bio po ko zna koji put na TV prijemnicima širom Bosne i Hercegovine. Primarni cilj ove grupe bio je kreiranje biltena o našem gradu što nažalost nije realizovano zbog nedostatka novčanih sredstava.

Treninzi urađeni u 2006 godini

Trening br.1

| Naziv treninga | Tema treninga | Cilj i pod cilj treninga |
|------------------------------|-------------------------------|--|
| Ideja jeste jednako projekat | Pisanje projektnih prijedloga | -socijalizacija mladih -promocija omladinskog aktivizma i volonterizma -sklanjanje mladih sa ulice -edukacija mladih -poboljšanje kulturnog života grada -uključenje mladih u unapređenje zajednice |

Objašnjenje ideje:

Na ovim treninzima prisustvovao je veliki broj mladih ljudi, koji su pokazali veliko interesovanje za ovu vrstu znanja. Nakon više sedmičnih treninga učesnici su stekli osnovno znanje neophodno za pisanje projektnih prijedloga. Veliki broj ideja koje posjeduju mladi ljudi pretoreno je projektne prijedloge što je bio i naš osnovni cilj. Ovim putem smo mladima dali mogućnost da neovisno o bilo kome mogu realizovati svoje ideje i eventualno omogućiti sami sebi neki izvor finansiranja, a Travnik će vjerovatno dobiti veći broj kulturnih dešavanja prvenstveno zahvaljujući mladim aktivistima koji žele dobro ovom gradu i njegovim građanima.

Trening br.2

| Naziv treninga | Tema treninga | Cilj i pod cilj treninga |
|----------------|-----------------|--|
| Ja u medijima | Medijski nastup | -socijalizacija mladih -promocija omladinskog aktivizma i volonterizma -sklanjanje mladih sa ulice -edukacija mladih -poboljšanje kulturnog života grada -uključenje mladih u unapređenje zajednice |

Objašnjenje ideje:

Sve veća uključenost mladih ljudi i njihov veći angažman u zajednici stvorio je potrebu za organizovanjem ovakvog treninga. Deset mladih aktivista grada je prisustvovalo ovom treningu.

2.1. Korisnici i ciljana grupa svih radionica i treninga:

| |
|---|
| <ul style="list-style-type: none"> • Korisnici; građani Travnika, i drugih gradova iz okruženja različite starosne dobi • Ciljna grupa, građani između 10 i 45 godina starosti • Građani oba spola • Građani različitih nacionalnih i religijskih opredjeljenja • Građani različitih socijalnih slojeva • Volonterske grupe različite starosne dobi |
|---|

3. Pregled realizovanih projekata omladinskog kluba Travnik u 2006 godini:

| | |
|-------------------|---|
| Naziv projekta: | Open Air PlayStation Play 3, Moto takmičenja „Svi različiti svi jednaki“ |
| Sažetak projekta: | Open Air PS Play je program takmičarskog karaktera koji se po drugi put održao u Travniku. Projekat je imao za cilj prevazilaženje razlikama među mladim ljudima, (socialnih, nacionalnih, religijskih, spolnih) koje su nažalost prisutna u našem društvu u postratnom periodu a samim tim i podsticanje mladih na zajedničke aktivnosti i druženje. Također želimo da promovišemo različitost kao bogatstvo a ne kao manu društva kao što je naše. Naša želja je da mlade kroz organizovanje ovakvih takmičenja pokušamo socijalno aktivirati i motivisati za uspjeh. Takmičari su starosne dobi od 10 do 25 godina oba spola čime se povećava zainteresovanost publike, kao i atraktivnost takmičenja. Projekat je realizovan 29. i 30. 07. 2006. u večernjim satima na atraktivnoj lokaciji u gradu Travniku (plato VF komerc-a) u kojem je učestvovalo 64 takmičara iako je broj prijavljenih bio mnogo veći. Takmičenje se odvijalo na dva kino projektora, što je dalo jedinstven ugođaj takmičarima, ali i publici |

| | |
|--------------------------------|---|
| | <p>koja je, shodno današnjoj siromašnoj kulturno-zabavnoj ponudi, zasigurno podržala ovaj projekat što se pokazalo prilikom održavanja prvog i drugog Open Air PS Play-a.</p> <p>Naše iskustvo i istraživanja na području grada Travnika pokazala su da veliki broj mladih ljudi želi učestvovati u ovom programu, prvenstveno zbog zabave, ali i zbog mogućnosti sticanja novih poznanstava i druženja a naravno i vrijednih nagrada koje mi kao organizatori obezbjedimo za najbolja tri takmičara.</p> <p>Shodno dosadašnjem iskustvu a zbog originalnosti ideje ovaj događaj je praćen na nekoliko medijskih kuća (tv, radio, štampa i internet). Pošto ovo takmičenje poprima tradicionalni karakter a postaje i neka vrsta simbola Travnika nastojat ćemo da i u narednim godinama usrećujemo Travničane organizovanjem ovog takmičenja.</p> |
| Datum implementacije projekta: | 28 i 29.07.2006 |

3.1. Cilj i podciljevi projekta:

| |
|---|
| <ul style="list-style-type: none"> • Prevazilaženje socialnih, nacionalnih, religiskih, spolnih i drugih razlika među mladim ljudima koje su prisutne u postratnom periodu u našem društvu. • Socijalno aktivirati i motivisati mlade ljude na uspjeh • Promovisati jednakost i pozitivnu stranu različitosti među mladima • Unaprijediti kulturni život grada Travnika • Promocija volonterizma • Podsticanje mladih na zajedničke aktivnosti i druženje |
|---|

3.2. Korisnici i ciljana grupa:

| |
|---|
| <ul style="list-style-type: none"> • Građani Travnika i drugih gradova u okruženju • Mladi, između 10 i 25 godina starosti • Mladi oba spola • Mladi različitih nacionalnih i religiskih opredjeljenja • Mladi različitih socijalnih slojeva |
|---|

| | |
|--------------------------------|---|
| Naziv projekta: | Umjetnička galerija mladih |
| Sažetak projekta: | <p>Travnik i njegovi sugrađani su dobili još jednu umjetničku galeriju namjenjenu za mlade umjetnike iz Travnika i drugih opšina iz okruženja. Na ovaj način želimo pomoći mladim umjetnicima da pokažu svoju kreativnost i da se promovišu u zajednici. Iako će ova galerija biti premijerno otvorena 23.12.2006 god. sa postavkom umjetničkih djela naših članova, već postoji interesovanje nekih mladih autora za izlaganjem svojih djela. Za ovu galeriju i njeno vođenje je zadužen jedan od naših volontera što ovoj galeriji daje još veću važnost a ujedno opravdava i svoj naziv Umjetnička Galerija Mladih. Ovim putem želimo mlade autore ohrabriti i podržati a našem gradu pokloniti još jednu kuću umjetnosti.</p> |
| Datum implementacije projekta: | 23.12.2006 |

3.1. Cilj i podciljevi projekta:

| |
|---|
| <ul style="list-style-type: none"> • Prevazilaženje socialnih, nacionalnih, religiskih, spolnih i drugih razlika među mladim ljudima koje su prisutne u postratnom periodu u našem društvu. • Socijalno aktivirati i motivisati mlade ljude na uspjeh • Promovisati jednakost i pozitivnu stranu različitosti među mladima • Unaprijediti kulturni život grada Travnika • Promocija volonterizma • Podsticanje mladih na zajedničke aktivnosti i druženje |
|---|

3.2. Korisnici i ciljana grupa:

| |
|---|
| <ul style="list-style-type: none"> • Građani Travnika i drugih gradova u okruženju |
|---|

| | |
|----------------------------------|--|
| | <ul style="list-style-type: none"> • Mladi, između 13 i 25 godina starosti • Mladi oba spola • Mladi različitih nacionalnih i religijskih opredjeljenja • Mladi različitih socijalnih slojeva |
| Naziv projekta: | Spasimo Male Živote |
| Sažetak projekta: | <p>U nedjelju 14.05.2006. godine na sportskom poligonu travničke kasarne od 10.00 do 17.00 sati održale su se TREĆE TRAVNIČKE OLIMPIJSKE IGRE.</p> <p>Ovim događajem mališani iz Travnika počinju i akciju «Spasimo male živote» u kojoj će se u narednim mjesecima prikupljati novčana sredstva za Pedijatrijski odjel Kantonalne bolnice Travnik.</p> <p>Akcija «Spasimo male živote» inicirana je od strane organizacije Forum Syd-Centralna Bosna iz Travnika i neformalna grupe roditelja u suradnji sa Pedijatrijskim odjelom Kantonalne bolnice Travnik.</p> <p>Ovaj Odjel je u proteklom periodu uslijed dotrajalosti ostao bez prijeko potrebne opreme za normalan rad, a poseban problem je nedostatak inkubatora.</p> <p>Tako će i osnovni cilj akcije «Spasimo male živote» biti kupovina inkubatora za kantonalnu bolnicu Travnik.</p> <p>Ova akcija će sadržavati čitav niz aktivnosti koje će biti realizovane u svrhu prikupljanja novčanih sredstava neophodnih za kupovinu inkubatora. Veliki broj aktivnosti je već realizovan u proteklom periodu kao što su: muzički koncert u Osnovnoj muzičkoj Školi u Travniku u kojem su uzeli učešće i učenici Glazbene škole iz Novog Travnika, PlayStation turnir u Travniku, koncert travničkih rok Bendova, break Dance turnir, učestvovanje na dobrotvornom sajmu u Sarajevu na kojem smo prodavali slike donirane od Udruženja likovnih stvaralaca Travnika itd.</p> |
| Početak implementacije projekta: | 14.05.2006 |

3.1. Cilj i podciljevi projekta:

| |
|---|
| <ul style="list-style-type: none"> • Poboljšanje suradnje između NVO i lokalnih organizacija civilnog društva • Kupovina inkubatora • Povećan broj kulturnih događaja u gradu Travniku |
|---|

3.2. Korisnici i ciljana grupa:

| |
|--|
| <ul style="list-style-type: none"> • Građani Travnika i drugih gradova u SBK, različitih nacionalnih i religijskih opredjeljenja, različitih socijalnih slojeva |
|--|

| | |
|-------------------|---|
| Naziv projekta: | Break Dance turnir |
| Sažetak projekta: | <p>Projekat je zamišljen kao takmičenje break dance grupa iz cijele BiH. Pored grupa iz naših klubova (Travnik, Vitez, Zenica) očekuje se i učešće grupa iz Doboja, Prijedora, Novog Travnika, Bijeljine, Sarajeva itd. U sklopu ovog projekta sprovedena je akcija «Spasimo male živote» gdje se sav prilog od prodatih ulaznica usmjerio ka kupovini neophodnog inkubatora za pedijatrijski odjel kantonalne bolnice u Travniku. U tu svrhu je bio postavljen štand sa kreativnim materijalom (ikebane, svijećnjaci itd) i «zvono» u koje su se ubacivati prilozima namjenjeni</p> |

| | |
|----------------------------------|---|
| | takođe za inkubator. Saradnici u ovom projektu su (pored potencijalnih donatora) Alter Art, BKC, travnik.ba itd. |
| Početak implementacije projekta: | |

4.1. Cilj i podciljevi projekta:

| |
|--|
| <ul style="list-style-type: none"> • Afirmacija i razvijanje natjecateljskog duha kod mladih ljudi te socijalizacija i druženje mladih ljudi iz svih krajeva i entiteta BiH. • druženje i razmjena volontera našeg projekta i drugih klubova iz BiH (Zenica, Doboj) • promocija Break dance-a i Hip Hop-a kao urbane kulture mladih ljudi naših zajednica • doprinos kulturnim aktivnostima Općine Travnik • saradnja sa lokalnim vladinim i nevladinim organizacijama |
|--|

4.2. Korisnici i ciljana grupa

| |
|---|
| <ul style="list-style-type: none"> • Građani Travnika i drugih gradova u SBK, različitih nacionalnih i religijskih opredjeljenja, različitih socijalnih slojeva |
|---|

| | |
|----------------------------------|---|
| Naziv projekta: | Omladinska Razmjena |
| Sažetak projekta: | Omladinska razmjena je obuhvatila niz aktivnosti u koje ubrajamo veliki broj radionica te treninga različitog sadržaja koje su imale za cilj unapređenje omladinskog aktivizma veću afirmaciju mladih ljudi te njihovu edukaciju. Ova razmjena nakon nekoliko dana provedenih zajedno eve dvije grupe volontera rezultirala je zajedničkim nastupem u gradu Travniku gdje su izveli zajednički performans za građane. |
| Početak implementacije projekta: | 25-28.05.2006 15-18.06.2006 |

4.1. Cilj i podciljevi projekta:

| |
|--|
| <ul style="list-style-type: none"> • Unapređenje omladinskog aktivizma kroz rad u NVO sektoru • Afirmacija mladih • Edukacija • Uspostavljanje kontakata • Razmjena iskustava • Razvijanje kreativnosti mladih • Team building • Zabava i druženje |
|--|

4.2. Korisnici i ciljana grupa

| |
|--|
| <ul style="list-style-type: none"> • Mladi ljudi grada Travnika te mladi iz Novog Bečeja |
|--|